

三原縣志卷十二

藝文二



右武衛將軍上蔡侯臧公神道碑銘 唐顏真卿

公諱懷恪字貞節東莞人其先出於魯孝公之子樞字一
臧大夫不得祖諸侯其孫以王父字為氏僖哀二伯既納
忠於魯鼎武文兩仲亦不朽於言哲丈人成功而遐迹子
原抗節而捨生義和辭金飾之器榮楮奮陽秋之筆賢達
繼執紛綸至今曾祖滿隋驃騎將軍祖寵皇通大夫靈州
太守府長史父德朝散大夫贈銀州刺史威務遠圖克開
後恤肩之慶世祀宜哉公即銀州第一身長六尺

三原縣志卷十二

寸眉目雄朗鬚髯灑秀雅善騎射尤工射 沉靜少言
實仁得衆奇謀冲邈英勇冠倫友於兄弟謹爾鄉黨每敦
詩而執禮不苟柔以吐剛莅事而剖判泉流臨戎而智略
鋒楚古所謂文武不墜高明有融者焉少以勲勞亟紆戎
級開元初嘗遊于盧屬奚室韋大下公挺身與戰所向摧
靡繇是發名元宗聞而嘉之拜勝州都督府長史銳精佐
理絜矩當官朔漠不空邊隅用又俄拜左衛率府左郎將
轉右領軍中郎將兼安北都護中受降城使朔方五城都
知征馬使戎事齊足十萬維群我伐用張軍威以肅由是
深為節度使王駿所器奏充都知兵馬使嘗以百五十騎

遇突厥斬馘八部落十萬餘衆於狼頭山殺其數百人
身據高環馬禦外虜矢如雨公徒且殲遽而給之曰我爲
臧懷恪勅令和汝何得與我拒戰乎時僕固懷恩父設支
適在其中獨遮護之諸部落持疑不肯公剖羊以盟之伏
義以責之衆皆感激由此獲免遂與設支部落二千帳來
歸後克河西軍前將盤和安氏有馬千駟怙富不虔一族
三人立皆毆斃軍州悚慄疇敢不祇仰爲節使相國蕭嵩
所賞後充河源軍使兼隴右節度副大使關西兵馬使拜
右武衛將軍吐蕃不敢東向者累年俄封上蔡縣開國侯
開元十二年歲次甲子春二月二十有六日薨於鄯城之

官舍享年五十六某年八月二十三日詔曰汝具官公頃
以幹能亟承任使操行逾謹勞効未酬不幸遷殂良增乃
悼可贈右領軍衛大將軍卽以其年冬十月庚戌遷窆于
京兆府三原縣北原禮也嗚呼公兄左羽軍大將軍平盧
副持節懷亮以方虎之材膺爪牙之任孔懷斯切致美則
深七子游擊將軍崇仁府折衝希崇豐州別駕贈宋州刺
史希昶左武衛將軍朔方節度副使贈太子賓客希忱右
衛左郎將劔南討擊副使贈汝州刺史希愔右驍衛郎將
靜邊軍使贈秘書監希景寧州刺史左金吾衛將軍贈揚
州大都督希晏開府儀同三司行太子詹事兼御史大夫

分寧山南觀察使集賢待制工部尚書渭北節度使魯國公希讓等夙漸詩禮恭承教義芬潤挺蘭王之姿英威奮虓綱之質而希讓識度弘遠器謀沉邃仁親以孝毀國以忠綽裕冠於人倫勲勞懋於王室至德中今上爲元帥東伐肇允押牙從收兩京陟降左右入侍帳幄旣崇翼戴之功出擁麾幢載叶澄清之寄加以篤睦羣從糾綏宗族吉凶瞻恤終始無淪行道之人孰不嗟尚肅宗以公有謀翼之勤乾元三年春三月贈魏州刺史寶應元年冬十月又贈太常卿廣德元年冬十月詔曰孝以立身可揚名於後代忠能事主故追榮而及親開府儀同三司兼御史大夫

元帥都虞侯魯國公臧希讓亡父贈太常卿懷恪業茂勲賢地華簪紱佩忠信而已行包禮樂以資身守節安卑幽貞自處養蒙全正聲利不營雖與善無徵促齡悲於逝略而積善垂裕餘慶光於後昆故得業濟艱難功參締構出有蕃條之寄入多瓜牙之任位以德遷禮宜加等父由于貴贈合超倫載登入座之榮式慰九原之路又贈工部尚書褒異之典於斯爲盛臧氏自驪騎而下世以材雄朔陲尚書旣還特以功林當代兄弟子姪勲賢間出自天寶距於開元乘朱輪而拖珪組者數百人迨於今茲繁衍彌熾緒軍州而握兵要者相望國都有後之慶固殊異於他族

者矣真卿蚤歲與公兄子謙爲田蘇之游敦伯仲之契晚
從大夫之後每接嘗寮之歡故公之世家竊備聞見敢述
遺烈將無媿辭銘曰魯史褒者臧孫有之陳魚則諫納罔
以規歿貴言立時稱聖爲人昭墳典制叶著龜世濟忠肅
光先羽儀以至夫公英明雄毅鶚視騰彩龍驤作氣鋒淬
霜稜妙窮金匱謀猷泉寫翰墨風駛儒勇是兼勲庸以位
介馳戎馬猛奮虓虎絕漠援孤連兵戰苦萬虜鳴鏑紛紛
如雨一身抗詞諤諤連拄精貫雲日氣雄鉦鼓狄人義激
僕固誠全渺漫窮裔隨降幾千野靜沙雪風恬塞烟我騎
如雲我旗連天牧無南向凱有北旋天子休之命侯開國
三原縣志卷之三

四

謂福而壽康衢騁德奚命之邁山崩是卽十城玉折萬里
鵬息陣雲蒼蒼日暮無色令人趨奉天眷孔明九原不作
八座哀榮勇列徽範芳時懿名里成冠蓋族茂簪纓萬古
千祀瞻言涕零

都督李公神道碑

權德輿

周道親親夾輔王室分唐叔以懷姓九宗職官五正故其
後文侯受桓鬯之命文公受大輅之錫祿勲推恩敦叙昌
大理道之繇也國家憲章文武選建明德元功侯籍延燿
本枝初太祖景皇帝之友曰鄭王亮實生淮安王神通用
親功德左右休運淄川郡王孝同淮安之昭也右衛將軍

燧淄川之穆也劍州長史贈大僕少卿廣業承祖禰積厚
之慶而生尚書尹三王都總六師帥八命四履投難服勞
有猷有守以至昭代禮賁於追命澤流於代官有由然也
尚書諱國貞字南華天姿風采爲宗室儀矩列如寒泉嶷
若崇山修身筮仕動有休裕開元十三年明皇帝肆覲東
后柴於岱宗以公族侍祠調補綿州叅軍事暴雨忽至江
流羨溢公自下位能禦其災暨堅舊防乃復故道累遷岐
州錄事叅軍太師苗公太尉房公繼爲二千石皆所引重
御史大夫張倚採訪關中表爲支使天寶末林胡覆三川
犯秦關詔除殿中侍御史爲襄陽郡司馬且介戎政公以

侍板輿辭革車換房陵太守表課尤異徵拜長安縣令風
政肅清改秦州刺史命或中止復爲長安令尋遷汴州刺
史未及行復輟爲京兆少尹天子以公積有試効可居大
官累命爲河南京兆成都尹劍南西川節度使其撫周郊
契獮方熾公與太尉臨淮王議曰河洛爲天下衝且無車
賦比屋安堵寇將甘心焉不若虛其邑居挈以駿邁贏糧
善地可俟師期繇是太尉壁河陽公次于陝伐謀銷患君
子推其智其在京轂兵火之餘人命將沉物力亦屈而百
役煩苦出於傷痍公曰元元愁嘆受命惠養儻不曠然丕
變豈副明天子鬱悼之心耶列上蠲除悉蒙可報凡調於

人者去其十九清淨愷悌百姓稱其仁鎮岷峨裔人樂禍
殺嘉榮二州刺史以開邊隙公命將疾攻舉無遺類明年
昆戎圍我三城遣銳師據便城壁戒嚴持重邀其極而擊
之賈餘無前酣戰盡殪悉獻虜獲軍無私焉隣壤不靖偏
師判換將盜兵符已據城寺出車壓境指顧而平凡三整
五經而巴屬軌道拊循安重四封畏其威柄用者沮公勲
猷徵爲殿中監命書旣下不俟駕行囊被單車無道理費
取倍稱之息五萬甫達京師上嘉而賜之俸折其券寇有
段子章者恣睢就戮方帥以告語聞詔公晏見前席獎與
曰利兵積穀皆卿之素也其無駭斥父之謂乎朝野嘉其

首公而服其潔已臨淮王移鎮海岱長轂在郊西邊北朔
合淮陽圻父五諸侯之旅主盟中權盡護諸將於是拜戶
部尚書河中節度都統使又以職顯戎重則風俗不阜加
管內觀察使權知絳州刺史公外總方略內修班制當強
弩之末無半菽之糧不忍加賦飛章未下猶以憲度爲已
任權剝者斃不行師諸校譸張舛望至是夜暮變起或以
跳驅諭公公曰吾之不敏當死節官下安敢二偷以煩刑
史亂之剡也公竟及焉議者尚其絜矩而哀其不淑時元
年建卯月春秋四十八是歲改元寶應至夏五月寧神於
三原縣之北原詔以揚州大都督印綬告第憫其勞也公

本諱若幽上元中天子以特立之操爲宗公表其爲
以重焉公忠儉誠厚方嚴審靜川僭行愆令修明事功太
主不削楚金必削凡歷官二十四自解巾重臺爲勳職十
七其以內庭特書中執法亞丞相佩兩印以榮外服者又
七命爲刑務度之後五六年間車不鞮鞢賦職任功名聲
章明及公以司徒總與師令弟若水以內府司贊謁而太
夫人福履所介也陳壽篤懷黃佩玉左右雅清極賢侯之
燕嘉適張仲之孝友宜錫壽爲人倫絕龍會未中身遭罹
凶害前史稱霍去病亦有天幸然則命之所賦有幸焉有
不幸焉斯不可問已夫人扶風郡君竇氏鴻臚丞光之女

湯府史御史大夫觀之姊也淑明仁順克叶公志家肥族
睦抑有助焉公薨若干年而夫人歿子四人長曰驕材睦
器碩茂潔廉貞肅遵修訓則復大其門入作卿士出爲侯
伯貞元十五年以御史中丞制符潤州宣風以宏禮俗成
賦以殖財用大績茂中邦賴焉明年就加御史大夫十八
年進禮部尚書撫封題劍如公渥命次日鑑斬州刺史次
曰豐士鄠縣令幼曰豐器長安尉皆有幹裕而屈於年位
今尚書永維先公丕矩未刻金石以德興嘗叨史職久掌
贊書知王族大僚之事業見託論譏故不敢默其美亦不
敢溢其言銘曰堯睦九族漢封同姓烈烈淮安家時佐命

淄川而下三葉儲慶乃生我公紹續先正時惟宗英忠知
廉清所至風行所居理平山元朱組旣靖蜀京鍼鍼琬
乃至夏盟交修藩衛纂服宏大陟恪左右勤勞翼戴隱微
之間乃與禍會夷途始半白晝中晦桓楹羽葆久闕鮮原
煌煌密章肅肅絲言盛德復祉叢滋後昆列郡是式介人
維藩大江南服考禮修職五曹十聯克嗣先德童是經費
陳之藝極本於教中懋此宣力伊昔祭器寶銘烝彝禮則
有變魂逝在茲連崗陂陀宰樹參差悠悠終古永揚斯碑
襄陽郡王平陽路公神道碑銘
韓愈

惟路氏遠有代序自隋尚書兵部侍郎諱袞四代而至冀

公冀公諱嗣恭以小邑蕭關令發聞開元受賜更名書于
太史治行靈州終功南邦享有丕祉紹開厥家古至兵部
尚書封冀國公薨贈尚書右僕射司空公諱應子從衆冀
公之嫡子用大臣子謹飭擢至侍御史著作郎刺虔州
割餘零都作縣安遠以利人屬鑿敗灘石以平頓梗陶甓
而城罷人屢築詔嗣冀封又加尚書屯田郎中進服色遂
臨于溫築堤岳城橫陽界中二邑得上田除水官拜尚書
兵部郎中兼御史丞淮南軍司馬改刺廬州又甃其城人
不歲苦入爲尚書職方郎中兼御史中丞佐鹽鐵使使江
東有功用半歲歷常州遷至宣歙池觀察使至刺襄陽郡

王至則出倉米下其佑半以廩餓人蜀闢誅行軍千五百人於蜀李錡將反以聞置鄉兵萬二千人錡反命將期以卒救湖常坐牢江東心錡以無助敗縛作響山亭營軍于左右權丞相善之饒其說響山石居宣五年以疾去位校其倉得石者五十萬餘府得錢千者八十萬公之爲州逢水旱喜賤出與人歲熟以其得收常有贏利故在所人不病饑而官府畜積元和六年天子憫公疾不可煩以職卽其處拜左散騎常侍以其祿居其歲九月望薨於東都正平里第年六十七明年葬京兆萬年少陵原夫人滎陽鄭氏祔暨其子臨漢縣男貫與其弟賞貞謀曰宜有刻也告

于叔父御史大夫卿方丹延觀察使恕因其族弟進士群以來請銘遂以其事銘曰冀公之封維艱就功襄陽繼大啓慶自躬于虔洎溫厥緒旣作以及職方遂都邦伯朝夕人事下完上實師於其鄉隣寇逼屈營居響山牆屋修施哀功刻表丞相之辭受代而家叙疏及邇病不能廷食祿卒齒凡代大家維難其保旣顯旣願戒于終咎伊我襄陽克慎以有延畀後承莫不率守有墓于原雜樹在經以告無期博士是銘

冀國公郝公神道碑銘

元王 磐

皇朝肇造區夏分漢地城邑軍民立九萬戶府每府所統

非德故據其實以爲記

請祛異端疏

明張原

臣惟孔子之道載諸六經治天下者率必由之由之則治
違之則亂無之則亡未聞以佛老也佛老之教以清淨無
爲爲本苦空寂寞爲宗今陛下爲天地百神及天下民物
主萬幾叢委萬物攸賴顧可清淨無爲爲邪抑苦空寂寞
爲耶獻說陛下者或稱其導引之術或盛爲福利之說陛
下一時不察遂以爲真有益而悞信之殊不知其事已嘗
歷試於漢唐宋之君往往無益祇以自欺甚或又害焉明
效大驗昭然可考陛下何不據往迹而省觀之乃復崇信

三原縣志卷十一

十一

之深如此也今星辰失度雨暘愆期風霾直旬江湖湧溢
盜賊充斥死亡載道彼佛老者不能副陛下崇敬之誠爲
陛下禦災捍患福國庇民以佐成泰和之治則彼無靈神
而不足信也陛下亦可以考矣各官好事及漢經厰番經
厰西天經厰並靈濟宮顯靈宮諸處日逐俱要供給齋飯
供養等物俱經光祿司造辦所費至爲衆多其一切支用
內府帑庫錢糧以爲襯施賞賜者當又不止於此夫內府
帑庫錢糧儲之本爲軍國之用見今各邊鎮軍士缺少月
糧有司往往告乏各處地方盜賊旱澇百姓在在告饑陛
下一切吝而不與而乃爲此襯施賞賜等項所浪費臣亦

諸寨悉下自是豺狼之場化爲樂土庚寅歲帥軍南伐略地潼關間拔完城破堅壁甚衆辛卯歲夏宣授行軍千戶佩金符乙未歲從皇太子南伐至襄陽宋兵四十萬逆戰漢水上公以選鋒數百直前擣之宋兵大潰僵尸蔽野丙申歲從都元帥塔海征蜀川下興元宋將王遂以重兵守劔閣我軍不得進公募敢死士得十有二人由劔閣榜梯磴攀板沿崖而上夜闕宋兵大擾我軍乘之遂入蜀川諸城悉下及師還諸城復爲宋守明年再舉取夔府道直抵大江宋兵十三萬軍於南崖公麾諸軍以次第進躬與九人乘輕舸先登卽橫馳陣中出入數四宋兵水陸不能相

救殺傷不可勝計自是宋人服公威名望風震懾庚子歲夏五月朝太宗皇帝行官留七十餘日眷顧優渥復出倫輩嘗從容燕語及平生戰陣事命公解衣數其瘡瘢凡二十一處因指示左右歎息久之進拜宣德西京太原平陽延安五路萬戶易佩金虎符隸兵二萬仍賜尚廐名馬六金錦三良弓四細鑑冑三副夫人劉氏亦拜雙錦之賜上又持公先所佩金符謂公曰汝有長男可使佩公奏曰臣子無功不敢當賜部曲有周獻臣者忠於爲國從臣有年矣願以賜之上多公有讓卽從其請自丙申歲分河東爲皇兄二大王分地官吏隨地所屬公以壬寅歲朝王於西

域感匣之帳殿留數月王甚喜及還賜名馬十乘錦衣一襲鎧冑二良弓百回紇水手一十人回紇綿匠一戶造作諸色軍器工匠一十六戶甲辰歲朝定宗皇帝於宿免都之行宮受命發五路未起之兵復征西蜀取重慶等處未下城壁解佩刀賜公曰部曲有悍戾不用命者以此刀從事公以乙巳歲秋至西蜀所向克捷諸城皆定丁未歲復朝帝於宿免都之行宮眷遇甚厚賜銀萬錠奏備裨將校從臣効力者多臣不應獨受厚賞願以天恩均被將校上曰卿可具姓名以聞於是千戶完顏孛任趙林楊榮李慥閻鎮楊士衍耿大用蒙古陳才吳澤忻州刺史劉天祿等

十人皆賜金符胡林馮榮劉鎮海何義李興等五人皆賜銀符仍有旨命公出軍卽以長男山哥攝府事寔安梁英攝關中萬戶府事戊申歲秋奉詔還治太原公下車百姓困弊上請於王府下燕京行臺罷遠輸稅糧蠲減本路鹽課又自出廩粟數千石羊數千口銀六十錠以裨助官府用度之闕百姓賴之以蘇息己酉歲復朝王府王嘉公勤恤百姓治効昭著特命升萬戶府爲河東北路行省所有軍民人匠稅課鹽鐵山河泊金銀丹粉窰冶皆隸本路得以便宜從事由是河東之民蕃息阜安異於他路公莅事凡三年壬子歲春三月五日以疾薨享年四十有九公儀

表天教膽智過人撫士卒有恩號令嚴明賞罰信必士卒
樂爲出死力以効用故常能以寡勝衆而未嘗敗北讀書
雖不甚多而喜與名士大夫遊如元遺山李敬齋輩出入
門下皆所尊禮公務稍暇卽從之講論古今成敗治亂之
理每至古人忠言讜論守義盡節與夫仁民愛物之事輒
慨然響慕蓋有志乎其間也此其識度高明過人遠矣夫
人馮氏早卒再娶夫人劉氏建威齊王豫之遠孫生長華
族恭順克家公周恤宗黨顧過賓客夫人內助之力爲多
又娶夫人張氏劉氏楊氏仝氏王氏楊氏趙氏子男十二
人長天益小字山哥嘗佩金符宣權五路萬戶仍兼太原

路軍民都總管五路萬戶早卒次慈善亦早卒次扎刺不
花宣授鎮國上將軍鎮蠻都元帥宣慰使次天舉小字長
安宣授昭武大將軍大都路總管次天輔前征行千戶次
天佑前陝西奧魯萬戶次天澤宣授大中大夫夔路總管
次天麟宣授承信校尉管軍中千戶次天翼未仕次天挺
宣授榮祿大夫汴梁行省平章政事次買任蚤卒女七人
長適太原路總管石抹壽僧次適太原路行軍千戶周允
中次適宣德路先鋒使夾谷拔突次適西京諸軍同知
蒙古壽童次適河中船橋隋路軍馬總管萬戶張萬戶奴
次適太傅舍人耶律國正次適管軍總管阿禿孫三十八

人以至元九年冬十一月甲申者公之柩葬三原縣修真
鄉長孫里濁谷西原之新阡大德十一年冬平章天挺拜
中書左丞詔特贈公安民靖難功臣太保儀同三司冀國
公諡忠定大都路總管天舉乃持四川行院叅議陳遠所
撰行狀詣予以表墓之文爲請予以老病謝不敏天舉百
拜致懇辭不獲已謹按行狀次第其事系以銘辭銘曰聖
皇應運開昌辰四海引領攀龍鱗郝公世譽方幼穉英槩
故已起常倫賢王帳殿高功勳一見顧遇如家人鷄雛破
殼視霄漢天衢得路誰能訓雕鞍寶馬帶刀劍出入扈從
無晨昏丁年提兵下荆楚戎律昭明嚴部伍平居撫士如
父兄臨陳先登劇貔虎蜀山巉巖高插天捫參歷井古所
傳一夫當關但坐嘯萬夫趨起那得前公畫青策默不語
鬼不得聞神莫覩長驅度險莫留難如越鉅垣三尺土振
旅來歸朝帝宮天顏悅喜同春融寶刀解賜紫光劍廐馬
牽出天池龍曳紫紵朱霄皂隸重侯叅將及兒童祿位崇
高君所賜子孫昌盛天所鍾陰功顯報方綿衍郝氏流慶
傳無窮

張府君墓碑

蘇天爵

奉元路之北九十里龍橋鎮者張氏家焉其地本屬耀州
三原縣職方氏以三原邑小不足以域民龍橋市井

衍故遷縣治居焉君諱德明字彥明賦姓淳質爲人
忠原少學詩書言動悉遵軌度篤於養親未嘗暫離左右
或勸之仕則曰富貴非不欲也若舍吾親遠遊甘旨將誰
致乎初張氏在今以醫術爲業至君考則曰醫人命所係
蓋重事也吾以中人之資豈可易爲之哉當國朝戡定之
初原野方闢加以雍土肥沃乃帥家人治農務歲連大穰
家用倍裕遂大振施于人久之以孝義名一方蕭徵君所
以表其墓也及君代理家政尤輕財好義曰此吾親宿昔
之志吾朝夕恒懼不克繼之有張澤者屢因婚嫁假貸于
君積負甚夥君憐其貧一不責償取券焚之邑人李和雲

陽李仁皆爲隸于人其家欲得錢縱之爲民間君尚義輒
往請焉君以私錢數千緡畀之仍爲經紀其家是則書於
同公埋銘者特一二事其他不及書者尚多有之推君之
心蓋本乎惻隱濟之以惠利非欲見稱于人亦非覲人之
見德也嘗以海宇承平年穀豐足若鄉校不修則無以興
治化師道不崇則無由識禮義乃倡縣侯買地建夫子廟
及學合門廡而締構像設之費出于君之所施者居十之
五遠近觀感爭遣子弟就學讀書習禮以變其俗君教子
孫極嚴必擇賢師良友與之遊處使知古人爲己之學故
修身莅政肅然有法蓋君之治家勤以中節儉而合禮祭

祀盡孝燕享必豐誠以接人敬以持已鄉邦無賢愚悉
爲君子長者中朝名儒宋公渤鄧公文原作爲文章以頌
其美君春秋旣高以子貴封奉議大夫鉛山知州驍騎尉
涇陽縣子享年七十有九以至治二年二月二十七日終
於所居正寢配李氏先十二年卒贈涇陽縣君柔順恭恪
克修內事是歲五月十有七日合縣君之喪葬於縣之常
平鄉悌友村北君祖諱順考諱貴祖妣馮氏妣孟氏楊氏
白氏君白氏出也子男世英同知鐵州軍民事世昌敦武
校尉脫思麻路新附軍上千戶佩金符累贈中順大夫兵
部侍郎上騎都尉清河郡伯世傑承務郎同知松潘容疊

威茂等處軍民安撫事佩金虎符終奉議大夫同知河州
路總管府事世榮承務郎僉海北廣東道肅政廉訪司事
終繕工司丞孫男曰信曰儁世英子也信中正院管民提
領曰儼曰儼世昌子也儼由奉政大夫嶺北湖南道肅政
廉訪副使遷江瀾行中書省左右司郎中曰佑曰仲曰仁
世傑子也曰似世榮子習進士業貢于鄉信之子履陝西
行臺掾儼之子晉儼之子恒昇曰王諒宋安仁女之夫也
曰段珪李溫李居仁黎思恭楊敏王炳段永貞宋德新孫
女之夫也嗚呼古之君子施而不求其報三原張氏自孝
善君樂分施而耻積藏至奉議君克紹先志惠及鄉邑子

孫昆季列官風紀遂爲縉紳閭族然則感應之理益可徵乎銘曰關輔之右風土高厚惟人之生克孝而友有美張氏世以義聞施與其親惠及鄉隣釐身於家康寧豈弟施于子孫益大以侈總戎邊閩執法憲臺輝光日新福祿開來世有鄙夫多藏厚積遺及後人鮮有弗失積而能散其心孔仁已弗求報天福善人鄉有碩儒埋銘燭燭揭文豐碑永示來葉

清河伯張公碑銘

吳元詰

謹按張氏世居耀之三原曾祖順有隱德祖貴當金承安之末能脫其親於離亂中以致其養孝義之節鄉黨至今

稱焉考德明以幼子貴贈奉議大夫信州路鉛山知州驍騎尉涇陽縣子公諱世昌字周卿幼事祖父左右奉養無幾微之失及長恂恂禮讓益恢廓有容望而知爲君子長者也昆弟四人有出仕者輒資其不給使守官箴季弟世榮爲海北廣東廉訪司僉事廣東去關陝萬里風土與中州異宜奉議公以爲憂公曰母害也裹糧踰嶺徼往視之復命亡虞奉議公乃安而公遂無出仕意薦辟交至皆辭未幾授敦武校尉禮店文州蒙古漢軍奧魯軍民千戶大臣復以閩制授托恩麻路新附軍上千戶亦辭侍御史河南趙公憲微遊關中公見而異之曰國器也俾子弟締交

焉既而知名當世人服其識家用有餘推以周其親舊之
急遺其邑人之賈而不能歸者三人經白渠近在縣境行
者病涉公慨然捐資鳩工伐石爲梁人甚便之鄉隣弗輯
官有不能諭者聞公片言輒相與解去其爲人所敬服如
此初儼由憲史起家歷官御史臺照磨迎公就養京師及
拜江南行臺監察御史逾歲棄官歸省旣而擢雲南廉訪
司僉事以公年老盡養公曰君命也勿以我老爲意儼迺
受命公年旣八十一日有微疾儼從容請曰盡召儼乎公
曰勿亟儼其歸矣數日果歸公欣然爲起飲食言笑無異
平日於是與鄉老四方賓客日舉酒爲樂者數日乃終娶

楊氏以淑行聞封宜人加封長安縣君復加封清河郡君
先公二十二年卒至是合葬焉子男二長曰儼以任恤稱
仲儼也終喪之月朝廷起爲四川廉訪僉事今由湖南廉
訪副使調江澗行中書省左右司郎中所至著能聲云銘
曰洵美張氏世有令德泊于清河衍其流液友于是敦孝
思維則施政于家表儀于邑侃侃侍御昔在家食公曰國
士顯有明識世競刀錐夜不遑息公推其餘惟義所適盤
錯糺紛盈庭莫析質成于公聞者潛易凡公之爲胡不于
國公實有子邦之司直紆其紫綬來侍朝夕公壽豈多亦
旣八袞生備福祉沒加顯錫天報善人孰謂叵測悌友之

原有崇其殖何千百年尚徵斯石正十一年三月

端毅王公神道碑銘

明李東陽

公諱恕字宗貫陝西三原人正統戊辰舉進士爲翰林庶吉士授大理寺左評事景泰間遷左寺副條刑罰不中六事上之擢知揚州府屢辨疑獄歲饑發廩不俟報且給醫藥多所全活作資政書院教羣子弟私不乏人天順間遷江西右布政使廣賊寇贛州帥兵勦平之遷河南左布政使成化間擢都察院右副都御史撫治南陽諸府南陽豪爭礦殺人公獲其魁餘悉解散以內艱去會襄陽盜起詔公起復會兵搦其巢走之及剽千斤軍作亂公亦會王師

勦平之大帥欲縱兵搜山公不可曰擅殺者斬復榜示流民諭使復業乞終制不許尋奉勅巡撫河南遷左副都御史歲旱蝗上疏請崇儉去奢以回天意入朝言時政六事遷南京刑部左侍郎丁外艱服闋改刑部巡治漕河成言弭災數事未幾而蠲租之詔下矣改南京戶部再改左副都御史巡撫雲南進右都御史以地切交趾言禦彘方略劾鎮守中官諸不法事沒其部下所得金寶輸之京師勲臣世帥亦爲歛戢所役官軍士民皆遷部業使人至彘方無敢索賂勢家假驛傳搬私貨者皆自雇役於是詳震遠邇改南京都察院參贊留務兼督巡江尋改南京

兵部尚書考選官屬不受請託爲同事所忌命以兵部
書兼左副都御史巡撫蘇松諸府會江南地震乞歸不許
言內外官收納過重請爲禁革光祿寺歲供白粳槩及庖
人賤工請爲分別派買物料織造綵幣及貢獻禽鳥花木
請爲省節又請免常州夏稅六萬餘石以羨米還之又以
補諸府戶口鹽鈔六百萬貫又以水旱災請免秋糧數十
萬草半之以官田賦重減耗米十餘萬發廩賑饑民令減
價糶穀又周行賑貸以戶計者幾二百萬以口計者有加
焉有中官以買書收藥爲名搜括遍江南千戶王臣者爲
之助惡公累疏言之乃命械繫中官梟首於市而中官亦

誣奏公及知府孫仁仁就逮公又力掙之得免又請罷內
降官數人又以京師地震乞辭位不許尋復改南京兵部
尚書仍叅留務聞秦晉饑言便宜十事聞林俊張黻之請
乞還其官因請罷永昌寺役加太子少保言政令必信不
宜數改語尤激旋落太子少保以尚書致仕孝宗在東宮
已聞公名旣登首降勅召之改吏部尚書加太子太保階
榮祿大夫臺諫劾巡撫及藩郡官奉旨黜革公以爲不得
其職連疏乞休皆不許南臺薦公可入內閣上曰朕用蹇
義王直王翱故事委恕吏部若有謀議亦無不聽乃已宏
治初從耕籍田預九推禮視學命下公請釋奠用樊爵用

三獻分獻官致拜詔止許分獻官行拜禮公又爭之乃於孔子前加幣用太牢改獻爲奠至日分奠鄒國亞聖公侍經筵偶議不合辭印乞休上曰君臣之間恩同父子各陳所見何嫌何疑可視事如故乃起就職屬有疾上命醫診視遣中官賜酒米諸物南京給事中周紘御史張梈奉命點軍爲留司所奏出補外公論掾之未得命臺諫交奏以爲老臣言當聽紘梈乃得改南京別任徽王奏乞陞鈞州爲府晉王乞爲世子設典膳皆論止之知州劉概與御史湯鶴言涉狂誕當道欲坐以死御史李興多杖罪人至死亦坐重辟公皆論掾乃從末減山西叛賊王良等旣伏誅

有議除其黨千餘輩公以爲脅從宜免議始定又請老詔大風雨雪免朝又免午朝復以彗見自劾求退不許進階光祿大夫柱國封三代有旨令中官會選御醫公執不可壽王冠充副使都御史秦紘以總督兩廣軍務奏安遠侯柳景不法坐致仕去公極言紘當用乃起爲南京戶部尚書太醫院判劉文泰者奏公不當令人作傳議者以爲有所受公具自列乃下文奉獄降御醫公又乞休葢自蘇松以來前後疏十餘上乃賜允命給驛還鄉有司月給米二石歲給夫役二人賜寶鏹三千貫居十有三年今天子登極詔賜牢醴遣行人存問于家復加米及夫隸數倍于昔

且賜璽書有嘉猷入告語公復上疏言數事正德戊辰四月二十日卒於正寢壽九十有三矣訃聞上震悼輟視朝一日贈特進光祿大夫左柱國太師賜謚曰端毅遣官諭祭者九令有司給棺槨治凡葬事公墓在西園尚書府君墓次公所自卜地也元配蓋氏繼室張氏皆累贈一品夫人文氏封一品夫人貳室張氏公有丈夫子六人曰承祚義官承祐南京前軍都督府經歷早卒承祿義官承祥順天府通判承禮亦爲義官承裕舉進士累官吏科都給事中孫十三人統綬基埜節簡潛璿璟輅輶輦輿綬節皆縣學生曾孫八人安民友賢安邦安世安國安遠鶴齡松齡女二人銘曰巖巖華嶽雄鎮秦封靈秀攸萃爲人中雄端居廟堂進退百辟高舉長步直言正色奮翼而起排雲厲空紛彼羽族瞠其下風群疑糾紛中有定括南山可移三軍可奪用我則出舍我則還外若可撓其中浩然秉彝在躬弗楛弗失其所餘者以還造物挂車守閭世豈無才持以大用匪違則乖滔滔江流中有砥柱頽波狂瀾不見其處功名始終自古謂難我所自立其成則天國史有書鄉賢有祀公名不隳公墓在此

恭毅溫公神道碑

葉向高

御史大夫三原溫公以萬歷丁未年閏六月初三日卒於

里第有司以聞上嗟悼輟朝自太子太保贈少保予祭九壇遣少卿某護祭事諸典禮渥公諱純字喬文別號一齋後更亦齋父朝鳳母王公生有異表以穎悟見賞於督學李于鱗孫文葵二公文恭好講學得公喜曰吾衣鉢在茲矣以精一一貫及爲仁之旨授之年二十六舉于鄉第一人明年乙丑成進士除壽光令下車殲巨寇馬天保定四禮儀式輸賦之役親自甲乙里胥減吏不得上下其手鄰邑奉絜令焉其勸耕織闢草萊決冤獄一切以經術飾治邑濱河故大司空朱公衡以河役費金錢多爲言者所劾行勘莫敢任者毅然請行課計精覈羣議遂息人以此占

公之幹力矣族祖良曾爲壽光令有遺愛至公復繼其業邑人稱爲二溫以治行高等徵入給事戶科歷吏左戶右擢兵科都給事積三年所條陳糾劾皆中窾係其大者如修時政通章奏議京營提督多見施行而又盡發巨璫陳洪諸不法狀雪故給事中沈鍊之冤直聲大震方內擢而以抗疏言俺荅款幣非宜與相國高文襄公左遂出叅楚藩公故文襄公門下士也人服其不阿至楚首郤鏤金以千計而峻拒藩王之亂宗行賄者文襄聞之亦悔出公公隨力乞歸比文襄去起叅河南分部南陽南陽爲唐王封國官校與編氓雜處往往鬪鬪公中劑之著爲成約各無

侵冒又脫長史袁福徵孝廉劉黃裳于難南陽縣令爲宗
人齟齬公諭以大義立解計擒大盜段武散其黨境內晏
然入爲太僕少卿改太常提督四彝館晉大理左少卿不
數月屢遷光祿卿錢穀供億內庭半爲廢墜侵牟公定日
折常規俾四署遵行宿弊頓革屬今上大婚所節省不可
勝計已轉卿太常復失江陵相國意移疾歸建學一草堂
引名士講官闕之學江陵沒公起守舊官族晉大理卿擢
兵部右侍郎開府于浙浙宇內首藩兵民久疲公至著齊
民要書以獎忠義褒廉孝紕淫祀爲第一義又爲改漕折
減織造復陂池人情大悅團操軍聚居會城與居民鬻牙

議者咸欲出之而畏其悍恐生變公呼而諭之咸唯唯聽
命軍中老弱疾病有故則勿補遂合九營爲七而兵不知
汰與諸臺使者約交際皆從省卽不得已拜賜則籍而藏
之以俟報禮一夫一馬不輕煩郵傳其躬自節約以風勵
下吏大率如此浙故有楊任二姓坐方遜之累公疏豁之
召入爲戶部右侍郎轉左上閔定壽宮公守崇文門賜彩
幣晉右都御史總督倉場請停新增供應劾監督主事之
不職者屬吏肅然亡何以內艱乘傳歸旣免喪日娛侍太
翁膝下太翁好奕公每進食必設局趨侍翁欣然如餐邑
戚有峪河梁之以木令欲石之而窘于費公曰吾父志也

傾橐中爲助旣成人名之曰溫公橋劉惇之變公先見
告執政謂開府非人急宜更置不且釀亂執政不能用其
後公又畫坐困火攻二策以遺行間卒破平之世莫之知
也召起爲南京吏部尚書入爲工部尚書以終養歸隨丁
外艱除服起左都御史掌都察院時四明沈公秉政每有
事咨公公必悉心以告播酋煽亂廷議未決公力言宜勦
遼左被圍東關堡且破得公所遺火器擊虜虜辟易所全
活數萬疆吏欲以爲公功公遜謝乃止力請下考選罷鑛
稅釋逮繫諸臣皆不報乃約諸大僚伏闕泣請上震怒問
誰倡者公對曰臣純也上亦霽威宣旨慰藉曰徐當簡發

公等呼萬歲而退已又懇請早建元良每請必齋沐露禱
庶幾感格未幾冊立禮成忽一日上偶違和詔所司悉舉
時政所急如罷稅等事公與太宰李公司徒陳公謀卽日
奉行仍頒示天下而司寇蕭公謂釋繫須再請乃上意中
變矣中外惜之劉御史九經以日食陳言語侵執政九經
秦人執政不能無少望而媒孽者遂謂公與次輔歸德公
及太宰或同鄉或同譜夙相厚善而少宗伯江夏郭公爲
公密交其於二三輔臣不無左右袒臺省姚于二君爲公
所糾因反擊公人謂二君與沈公善于是形迹逾開不可
復合矣非久又有妖書之事以動搖國本爲言執政請主

上務窮所繇來旨下大索長安中遍及海內敢匿者族
覺者封萬戶侯人情惴惴旦暮不自保公與歸德公每搏
顙顙天願高廟之神靈耳久之捕得奸人皦生光詞連周
錦衣嘉慶太宰與嘉慶有連遂坐此去時郭公以楚藩事
忤執政已出都矣錢給事某上言妖書出自郭且牽及歸
德公附和者遂謂歸德匿郭爲密謀邏卒日夜環其第偵
伺之禍且不測公獨明其不然又疏言楚宗無反狀爲楚
藩地者欲出力而文致之耳其持論侃侃無所避忌多此
類以二品再考加太子太保屢乞歸不允踰歲當內計執
政使人語公此番計事凡舊嫌夙怨當一切破除又語少

宰楊公各屬賢不肖皆聽其長以受成于明主不得有所
侵奪公嘆曰此挾天子令諸侯耳歸德公亦請寬錢給事
以兩釋猶嫌公終不聽于是黜給事輩數人而中旨特留
用公去志遂益決矣竟予致仕去抵家講學于精一一貫
兩言諄諄切至嘗語門人謂孔一貫孟踐形正是精處一
則不二若以人心爲私心欲絕而求道心則二矣非精一
之旨也其論良知稍宗姚江而歸于孟氏之親親長長內
外知行合一不分論仁則以孟之自反契孔之忠恕簡易
直截大絕世儒窠臼是以起家縣令歷九列忤三時宰百
折不回人負公而公更茹納之人螫公而公更曲護之

于平日所闡發非苟言之實允蹈之矣沒後禮官集延臣
議諸當易名者甲乙紛如乃于公獨無間言此亦足以見
公矣公爲文酷慕史遷詩則摹擬少陵然自以爲緒餘也
撰著甚多公得年六十九元配李能以孝敬織畚佐公於
約繼楊氏宋氏皆有婦德贈封皆一品夫人先祔太翁兆
副室趙子男三子知官生日知舉人自知諸生女六孫男
三樹瓊官生任太僕寺寺丞樹珍樹琴幼婚聘皆名族不
具論銘曰維溫之先御史瞻洛晉顯六龍唐開彥博我公
雲仍芳標繼作筮仕青齊殫心求瘼瑣闥封章蹇蹇諤諤
薦陟貳卿名藩秉鑰入座中臺勲名烜焯維彼附羶競希
入幕倚託冰山墜驚雲閣如公矚然進退無怍畏此緇塵
汚我京洛不可卷懷一邱一壑學契虞廷教傳孔鐸直悟
中局匪剽外郭世羨冥鴻公遽化鶴木壤山頽正氣磅礴
華池之陰巋然石柳黃壤青山司空荒度伉儷式諧斯邱
可樂豐碑余銘慰公冥冥

馬雲巖墓碑

呂柟

雲巖先生 江得君子之道有九焉其細者勿論也曾祖毅

齋 名彥力舉牲武 大武牛也肇家丁村厥祖抑菴 仲割田拯貧

德來野鶴父氏靖川 尚博學篤孝齊名師 敏杜棠不就辟

舉公繩厥武隱居讀書不殞家聲上事靖川 尚鉅細中禮

有所承受則弗誦習既其效也言稱行猶老而不替焉氏

之緒爰茲有光可謂得子道矣躬養相弼以養病伯氏名湧

洞達子女仲氏名渭予有室家可謂得弟道矣河既登季弟名河

老而猶念收鞠馬瑩從弟之子爰有居處可謂得兄道矣舉先

人草莖學書及已燃薪誦讀給田當誨諸子曰昔元亂人莫敢學先君時以草莖畫地

學書先王母懼刑輒沒其迹以誨璠理珊瑚理早聞道未有得秩著名

朝野可謂得父道矣教學不倦興之以詩肄之以禮博之

以經史約之以小學大學論語孝經先後弟子數以千計

邦伯州牧亦出其門可謂得師道矣糾合耆俊共舉鄉約

剖決里訟人無後言丁村之俗宛若膠庠可謂得處鄉之

三原縣志卷之三

三

道矣數化盜賊艾為良民可謂得禦暴容之道矣貫穿百

家受命如響賦詩豪敏每驚座客凡所注釋多關日用可

謂得游藝之道矣年既髦鬢童顏兒齒步履登降未嘗馮

杖屬續之刻尤能前知病革曰今夕亥分雨吾殆去矣果然可謂得養身之

道矣是固不可泯焉而弗銘也銘曰雲巖先生壽且德沒

而葬之巖隙側

邑侯張停一先生去思碑

來復

先生晉猗氏人也猗距原僅四百里先生為諸生聲名播

秦地歲甲午乙未原之老生預策晉士入彀必首舉先生

尋果以省元聯第值令缺即又策新貴之適為令者咸望

先生以先生近便習吏民風俗也尋果除原令下車士夫百姓以名故爭覩先生方弱冠驚曰是豈任令乎是時邑紀法少曠猾掾善伺候冀竊意旨而署中諸隸與郭西豪惡通行飲食一切資緣爲奸先生至盡按捕其王名內外諸不法以次受罪已下令開示自新之路俾黨與解散不者且坐于是羣奸脅息境內一時肅清矣爲治數月上官暨鄰封咸首推三原令神君察采有貪贖者至不敢均齒馮其赫然以才望著稱見禪如此邑百賈輻輳地民習僞頗多浮訟號冗劇難辨先生以半晷剖判立已以事謁見者起不雞鳴不能及無冬夏皆爾迹其爲雖宰十邑不能難性簡樸不喜華靡食常一肉夫人希繒采邑中往來供餉與繇役繕造悉從省抑以節奢養物力燕處輒讀古今名書數延見篤學之士相論說善識士品能預言士功名以文知之所拔優異多列名薦紳者戊戌上計政最中流言幾廢事雪還職邑人歡呼迎道左者千萬衆明年遷比部先後以父母喪歸里邑民踰河吊慰者相繼前此所亡有也先生去旣久邑人歌思不絕曳石子城通衢紀述功德以識不忘先生諱應徵字元聘別號停一云

祭三原王公文

濟南 李攀龍 于鱗

嗚呼不天下以仁而孰與爲大臣不天下以度而孰與爲

人八万公之守維揚也饑饉薦臻溝壑斯民爰發厚廩
竣報章恫瘝者身蓋已汲長孺之倫以及捫循東南大水
凶歲衆望翕然庶蠲賦稅公乃獨持其義而軍國是計陰
以免者十數郡而不億其麗乃闢三塘勺陂與繼川不爲
沴是乃仁術遵周之制矣又公之起襄陽也大盜未夷荆
棘王師爰獲渠魁搗其巢穴脅從罔治實維龔渤海是儀
以至開府滇中獯獠興亂閻豎作鎮誅求珍玩公乃匪敵
是求而貪婪是按他莫敢問而持憲斯憚乃沒郭英王敬
用竄奸不至蔓是稱肅僚維周之翰矣林俊下獄於永昌
寺也則自以其身之去就而廷爭平極言敢諫之士秦絃

罷斥於安遠侯也則身以其國之是非而力挽其甄淑別
慝之風社稷之事知無不言直聲動天下何未免於好名
之議也君子之心爲而不有用舍隨物化亦唯特乎大道
之爲公秉銓孝宗之朝大注明良之眷志在拔奇舉而能
先耿鉅鹿李襄城張莊簡彭惠安何盱江周太原清節宏
猷維時之彥豐芑數世之所培植海內善類之所推薦同
升要地頽俗丕變庶元凱之可逢雖異官而同撰鼎瓦石
之相含精題才而不援帝曰尚書元氣北斗實維阿衡冢
茲群后何必密勿陟降左右奏爾訏謨無不自膺其知遇
以隆其業爲以久何二三執政而莠言自口豈不仁者之

未遠而孤立之難乎後哉亦惟止兢雖人主之近戚而恩有所不能私亦惟黨正雖宰相之仇讐而權有所不能施及至藩郡奉職無狀又未嘗不引咎以爲辭某邦土是式高山則仰詢諸故舊百蠻是長凡九閱月而疏二十上鬱重臣不可爲象祇役天官心折前修簿考中正管彼九流尚論天造而此其好述番番元老誰適與謀是故先臣李獻吉有言居則岳屹動則雷擊三原輩出忠良外值大事斧斷小細海蓄帷幄倭幸請劍必殛斯其存亡禍福臨乎其前而已凜然有不可犯之色矣蔡介夫亦謂公本治易涉獵羣籍學問益人垂老不寔侍講經筵體履特異先未有是安生忿憤斯其性與天道觀乎其深而已淵然立時出之地矣而况歷侍五朝天下跂足而望元老燕翼八座後進扼腕而言世家美周召於當代謂唐虞其未選也

義僕傳

本朝韓詩

三原諸生姚永祚先以構難匿去其僕姚友挺身代罪瀕死得解後永祚夫妻相繼歿孤祇數月會僕亦育一子不忍乳已子而餓主子又不得兩存于是棄已子以撫主之子迺家故削祚尚有白髮母無事者僕日傭得錢以奉母夫妻常凍餒怡然也今遺孤六尺而祚母耄無恙友以一身經營主之母與其子凡二十餘年不倦外史聞之曰

噫友固義士哉夫主危而不去躬其難已難矣猶曰食人食也若主死而哺其孤不哺已之子而甘心焉此豈徒食人食者所得而至哉吾故傳之以見臣僕中猶有能於貧賤生死之間而不忘其義者

慤叟李公傳

李 顯

公諱宏樞字元文別號慤叟自高祖以來世以詩禮忠厚傳家皆不克顯公生而穎敏慈良自爲諸生時讀程純公一命之士留心愛人利物語慨然有仁民濟世意顧數奇屢試不偶戊子歲試冠軍拔萃貢春官廷對授永州別駕時湖南甫定羽書旁午佐守調度軍國不匱民亦不大困

當事以爲賢連委攝零陵新田寧遠三邑所至有聲經略洪公尤器其才特疏請優擢尋移守桂陽永人士臥轅下不忍捨去桂陽地凋瘵居民零落於是痛裁弊規革冗費墾荒田緩催科嚴胥役侵漁慤慤懇懇以勞來安輯爲第一義然桂陽民當新復之後實不勝軍國輸而當事者顧欲各濟乃事不暇恤旬日間催檄雨下公百計寬解之不能得乃喟然嘆曰吾忍以民命易一官乎復懇欸圖民不堪狀冀一側憐意不見察遂以催科政拙左遷桂人多方顛留之不得也去後置主名宦祠樹去思碑錄諸善政載州志焉公歸讀書課子蕭然自得嘗訓其二子彥瑁彥珣

唯以立身行道不媿清白吏子孫爲諄諄富貴聲利耻出諸口也居鄉不喜外事獨厚於宗族鄉黨樽已裕人諸所媮睦任恤者備至卒之日一如去桂陽永州日民德而慕之不衰也公在日長子彥瑁已成進士由中書守肇慶績著循良次子彥珣薦丁卯賢書毅然有紹明正學之思人以爲循吏之報方未艾云

張貞媛梁氏傳

袁仁林

梁氏儒生張恪妻也與恪同年生歸四載乳女一人恪歿年纔二十有一恪讀書事親孝家道中落雖有兄嫂亦未舉子莫可爲嗣續計者乃泫然謂梁若年少可自爲計梁

泣曰慈親垂白緩死以代君養十指尚存計出此矣且兄嫂有子冀他日撫之自是益勤紡織針紉事佐家有無以薪菽水事姑與嫂和衷怡色承志惟謹歷三十餘年如一日而歲時麥飯夫靈淚未嘗不涔涔下恪歿後數年兄始有女及舉子兄卒子爲兄後竟莫與延嗣梁倚姑若有以自處者姑病願以身代數月姑疾革執梁手曰吾無以報汝汝有女在未字乃吾未了心也汝其卒畜之梁含泪諾終喪朝夕益艱或則微窺其意屹不爲動惟與孀嫂日撫藐孤與已女及孤齒齒目中落落一嫂又下世自恪後十有五年更四喪梁孑然特立當是時外家寥落無同生手

足虺蜉蟻子之援而志不少渝方且抱孤攜女形影孑孑
日哭殯所旋爲拮据窳窳如姑歿時已而率其故常尋盟
十指用以衣食顧復孤幾不知無母且曰若叔儒者不幸
齎志歿矣孤不可以不學里塾某先生今時賢者其往師
之吾具而修其于孤也惴惴焉惟恐無見于世而時其教
誨固將以是終其身者同支兄恂憐其志以子嗣僕一人
樵蘇供爨下寒燈刀尺教二女婉婉待年張氏一門扶危
繼絕身任其責歷今庚子辛丑饑饉薦臻人民播越守其
艱貞視以爲常初莫知其身之苦而遇之窮也里中人由
是嘖嘖賢之居常語次咸嘆息以爲難嗚呼士窮乃見節
義婦德亦然嘗式微已甚次第云亡微梁也曷以家哉乃
距恪亡十六七年絕而復續是真能不死其夫矣或曰梁
方三十有七烏足以保其終余默然不應彼芸黃易節特
不勝其寒涸耳經繁霜而勁挺其諸有以自信也乎余懼
幽光之弗闡也取同學申子吉人言立之傳